

閩中荔支通譜

閩中荔支通譜卷十三

溫陵黃居中明立訂

綏城吳師古啓信校

明鄧道協荔支譜五

明詩二

五月十日初嘗火山荔支

謝肇淛

五月猶未半輕紅已出市磊磊朱葳蕤乍疑晨
星墜雖無膏腴肪已勝醇酪味碧玉初破瓜珠
胎尚含淚襦薄不禁風肌細還愁穉甃然空谷

音始知希者貴

聞與公園荔爲山鼠所食慰之

昔聞將軍樹高者縱猿取今君扶荔林徒以飽
碩鼠此種出楓亭移來百里許十年一結實時
復因風雨樹杪若殘星不能盈筐筐鼠患尚可
除蟲蟻不可去佳人薄命多寧獨江家女綠珠
墮高樓明妃辱胡虜榮悴自有時東君那爲主
須待滿林香爲君浮桂醕

食火山荔支次王龜齡韻

十七年來思荔支夢中猶誦蘇公詩玉肌紅襦
兩寂寞盧橘楊梅空擅奇一朝披褐歸故土手
蒔庭前作老圃却似天涯遇故人相見何須更
披譜廣南一種名火山衆人皆後爾獨先十月
梅花雨前茗市上爭取垂饒涎生長閩山愛佳
果次第須當日千顙明年馬首各西東目斷南
天滿山火

再次前韻

天香國色奪燕支妝鏡臺前哦新詩纖纖素手

爲君擘翠袖紅繒雙鬪奇吳中楊梅色如土仙
種應須出縣圃冰雪曾看工史圖姓名盡入端
明譜四月五月紅滿山未采百鳥不敢先鋒
一出便壓市明珠已引饞龍涎投老菟裘計未
果莫惜銅錢沽百顆遽然一覺心清涼臥看疎
楊度螢火

得馬季聲書云園荔蠹損戲柬二首

十載思君碧荔風殘香一夜落秋蟲西禪寺外
濃陰裏少却星星數點紅

香肌蚤已怯西風朱實那堪飼蠹蟲但使主人
能醉客不妨樹底覓殘紅

集鄧道協霧居園噉中冠荔支時色尚青
而醉甚同賦

火山出未久中冠繼其後裛露帶猶青綠衫裊
紅袖齒頰有餘酸膏腴尚未厚措大性所宜拏
攫不停手琴瑟雖未調亦已勝瓦缶酸盡回微
甘佳境漸入口岸幘發浩歌孤月上高柳

積芳亭噉蜜紅荔支分得藥名詩

袒臥桂枝林紅雲實已美酸漿猶帶人餘甘遂
溢齒寒冰片片飛丹液巨勝爾殘香附筠籠擲
地黃間紫劇談幸從容天半夏雲起預知佳味
深蚤當歸故里

高景倩木山齋噉中冠荔支伯孺作水墨

側生圖同賦

擘盡冰盤萬顆丹一枝幻出巧毫端朱顏洗罷
都無艷黛色妝成似可餐濕葉應沾秋露重輕
痕如隔曉烟寒素心相對渾忘暑莫作紅塵馬

上看

集高景倩齋頭噉鑿玉荔支賦得漢人名

詩

夏季布菲筵鑿玉陳蕃枝輕黃香四座殷朱浮
青絲出井丹液涼雪竇融凝脂楊盧植上苑桃
李廣西陂未若三伏生微寒朗侵肌吾曹操彩
筆揮霍光陸離餘甘寧可忘向子長相思

五月晦日避暑芝山寺本宗上人出荔子
甘瓜作供同賦十韻

逃暑期幽伴尋鐘到上方客心何住着佛地自
清涼夏臘同僧結炎歊與世忘園葵烹露葉石
蜜割雲房已出伊蒲供還分妙果嘗綠開霞散
彩紅劈玉浮香色奪青門種瓢凝紫府霜有寒
皆沁齒無液不傾囊碧草侵桃簞閒花臥竹牀
歸來山路晚月落講經堂

徐興公招集九仙觀避暑啜荔支賦得回

文

蕭蕭落木古空壇劇暑塵忘盡日歡橋對寺門

松繞碧郭圍山殿石生寒潮歸晚浦秋風遠樹
隔晴嵐夕照殘消渴病知應漱玉嬌枝荔顆萬
粟丹

六月四日積芳亭噉桂林荔支分得江字

皮粗膜白
味不甚佳

異品雖相繼爭雄勢已降名應從桂嶺色僅敵
涪江白襖膚疑玉紅疎綺映窓何時食勝畫松
露滴秋缸

六月六日集玉真宮納涼噉荔支限衣微

暉歸飛五韻

晴嵐如雨濕羅衣半壁危亭挂夕暉玉液驚從
丹荔瀉濤聲遙向亂松飛林邊古堞圍朱殿雲
裏孤鐘落翠微萬壑涼生殘暑失鼇峰新月送
人歸

陳伯孺餉滿林香荔支同賦柏梁體得蒸
字

六月七日苦煩蒸袒衣跣足頭鬢鬢病肺消渴
同茂陵故人相遺玉壺冰函開未開香騰騰黃

衣綠襲嬌自矜廣頰豐頤薄如縉輕綃初解脂
膚疑甘液沁口不可勝方山此種天下稱浮江
百里青絲滕香色雖減猶峻嶒野人雄饕擅絕
能斯須劈盡玉山崩敲詩莫厭挑殘燈浮生踪
跡殊無恆

蓮花樓集嗽荔支分得雜言體

登高樓望遠海黃雲飛四郊桑田猶未改雉堞
斜圍十萬家巨鼇長戴三山在五月六日火將
流披襟對此舒煩憂欲雨不雨山忽暝驚濤瑟

瑟疑清秋四面羣峰繞簾翠殘荷滴露凝珠淚
一陣香風送綺霞三尺寒泉浸紅荔紅荔秋已
殘宴會君莫惜試看城東十里池今日荷花不
如昔

馬季聲招集雕龍館各賦荔支一事分得
根

仙種應從閩苑傳孤根百尺老龍眠紅雲低映
輪茵石絕壁深蟠瘴癘烟唐騎未能馳繡嶺漢
官應得傍甘泉春風容易朱顏換閱盡枝頭幾

歲年

六月十二日買莆田陳家紫一日夜直抵
會城招諸子同賦分得五言古詩得一屋
閩海荔若雲逕答布山谷列品七十餘陳紫擅
其獨末銳廣兩肩核焦埋深綠此種出莆陽祕
書閉門鬻寥寥五百載接枝彌蕃育在山豐年
玉出鄉荒年穀六月火雲蒸紅塵勞急足朝採
楓亭林暮走馬江濱旦起日初高歲蕤爛盈目
翠籠未開槭流香已滿屋飛燕雪中膚太真風

前浴色味不可名但知果吾腹敗禰委芳草遊
蜂尋殘馥中冠慚後塵桂林甘雖伏勝畫淨江
瓶三分堪角逐異品固不常勝會亦難續何時
從九仙飽噉壺山麓

過芝山寺噉荔支乘涼至夜

閒來兩度扣禪房分得松窓一日涼採盡紅雲
猶有宴燒殘碧篆已無香衰蟬咽露喧祇樹馴
鴿依燈宿講堂四壁寒山滿牀月老僧更獻紫
瓊霜

積芳亭噉黃香荔支

紛紛紅紫闌濃妝正色猶存一樹芳金屋正宜
藏玉貌綠衣何用怨黃裳棲枝鶯語渾無辦對
酒鵝兒別有香若待三秋搖落後千頭羞殺洞
庭霜

徐興公見惠雙髻荔支同賦

一榦斜分兩顆勻却疑連璧是前身綠雲鏡裏
雙鬟小紅粉叢中並蒂春玉臉欲假愁半就同
心已結媚橫陳當年若上驪山道妬殺鴛鴦被

底人

爲玉峰上人題水墨荔枝圖

松煙幻出荔枝香
飛動猶含曉露涼
知雨空門無色相
豈隨千樹闢紅妝

勝畫荔枝

浪淘沙二闕

異品出吳航
翠袖紅妝溫柔何似白雲鄉
縱有丹青描不就
國色天香
含笑解羅襦
玉骨瓊漿胭脂無色墨
無光祇是紅顏多
薄命雨妬風狂

金井碧梧飄殘暑初消桂林中冠兩蕭條獨步
此時儂第一質艷香嬌 豐肉核仍焦沁齒甘
饒丁香輕吐暗魂銷人倚小樓春不住滿地紅
綃

賦得一騎紅塵妃子笑

炎天佳果貢殊方正值華清罷曉妝紅粉乍迴
新拜賜玉顏初解暗聞香千山瘴霧馳青絡百
媚春風對絳囊最是劍門花落後梧桐秋雨泣
霓裳

初秋二日集蔣子才齋中噉荔支分得宿

名十韻

碧梧昨夜飄金井
虛亭微雨疎簾冷
主人張筵續荔盟
斗帳斜度芭蕉影
繁星纍纍倒玉盤
參差綠葉紅琅玕
四壁丹霞浴波動
一泓甘露沁心寒
火流鶉尾秋雲碧
哀蟬咽柳聲蕭索
蓮房偃水落殘衣
竹塢當窓擁危石
一室圖書坐談久
大冠如箕復何有
忘形已作爾女交
留滯誰憐牛馬走
朱絃玉軫醉君家
分翼應知後會賒

彈棋握槊懽未畢樓角鳴鳴聞暮笳

山枝

側生固多端山枝最晚出七月暑氣殘纍纍結
繁密大僅如彈丸甘足敵崖蜜此種生山中香
非家園匹高居餐霧露豈意充口實獨殿衆品
芳凌競三秋日陳紫退成功網羅屬遺逸佳期
將云徂殘紅不可失感此歲寒心對之味已溢
搔首白雲高梧桐影蕭索

七夕積芳亭噉七夕紅荔支

盈盈一水夜何其佳果初紅映酒卮醉把殘香
望牛女相逢俱是隔年期

積芳亭噉瀛洲荔支同賦八韻得西字

見說瀛洲好穠陰十里隄香凝絲籠滿葉簇錦
丸齊夾岸雲猶濕浮江日未西肌豐埋醵核襦
薄裂輕綈不分商山橘還勝太谷梨紅釘金屈
戌白乳玉玻璃絳雪丹堪餌芳塵路不迷會須
乘興往斗酒聽黃鸝

五月晦日集高景情齋頭啖鐵玉荔支各

賦漢人姓名

陳价夫

垂楊修竹下
訶鍾會羣英
門杜衆賓進
壽張飛
兕觥扶疎廣
庭樹顆顆垂
黃瓊朱李固
難並况
乃高堂生在
谷永殷繁出
郭太縱橫楚
江乙萍
實何足揚雄
名

六月九日蓮花樓避暑噉荔同賦

驕陽肆炎酷
流汗且及地
握手城東南
招尋得
幽致巍樓控
連郭四牖浮
野翠遠渚敷
白蓮寒
泉浥丹荔
新詩互彈駁
濁酒頻取醉
長嘯依白

雲披襟納涼吹雖非紫芝客頗免紅塵累藹藹
金蘭情悠悠嵇阮誼酒壚未云邈且結區中轡
慙無庾亮吟聊作高歡避

七月二日集蔣子才博古齋荔會各賦宿

名詩

亢陽初歇涼飈起蓮房粉墜陂塘水銅槃井列
揚清漪荔實星星薦紅紫綠槐高柳嘶殘蟬斗
酒喧呼動四筵醉來岍嶺且箕踞唾壺擊碎心
茫然紛紛塵尾殮中落曼衍玄虛兼善詭危語

何曾橫迫人鴟張那復談騎鶴君不見秋墳鬼
唱鮑家詩長夜譟牛徒自悲鵬翼寧須較籬鷄
女蘿何必依松枝男兒安能事一室壁立猶存
腐毫筆鳴鳴暮角起嚴城百斛春醪萬綠畢

仲夏二十二日集高景倩木山齋啖中冠

荔支因戲作水墨側生圖同賦

避却炎歊入醉鄉綠陰如幄午風涼泉涵玉井
珊瑚碎日照金盤火齊光乍見松烟飄素繭恍
疑霧縠換紅妝同將看碧成朱眼細認江家十

八娘

季夏三日九仙觀納涼食荔子各賦迴文

詩

輕雲淡日夏峰奇
古殿高枝荔子垂
鶯鶴唳松聲謾
謾早蟬喧竹露
離離平隄柳色晴
連市靜院花陰午
聽碁鳴玉噴香茶
鼎沸清歌郢和屬
心知

集玉真宮啖荔限依微歸飛暉五韻各賦

近體一首

數株丹荔闢炎暉少女風來暑氣微古堞陰陰
榕影亂遙天片片島雲歸自從赤鯉凌空去不
見紅塵撲面飛莫羨丹丘尋羽服高情全屬薜
蘿衣

六月十日集馬季聲雕龍館分咏得荔子

漿

紅綃初卸吸精瑩幾點甘泉齒頰生漫向雲英
求玉液疑從漢武咽金莖溫柔未信雞頭美芳
冽應兼馬乳清一自瀘戎飛騎後不須花露解

餘醒

題畫荔支贈沈鍊師

曾向瑤池弄紫霞
又從勾漏染丹砂
品題幸入端明譜
不比玄都觀裏花

爲陳校書畫荔支戲題

數顆鼎鼎似渥丹
曾隨飛騎入長安
無心勾引閒蜂蝶
只博紅妝一笑看

爲包彥平畫荔支題別

瀟我飛騎不勝忙
佳品猶傳十八孃
最是良工

難盡處水肌玉骨滿林香

萬紫千紅及暮春憶尊吳客獨思閩側生漸已
生紅艷聊取吳箋爲寫真

萍踪聚散本無期才得相逢又別離聊寫數枝
閩地果他時展卷是相思

荔支歎

曹學佺

六月四日海風作荔子枝頭打零落五年遠道
歸如期一夕狂飈翻阻却空招漁艇在江干欲
得垂垂映水看紅羅之袂已毀裂白玉之膚將

摧殘出門試聽滿街哭一半是賣荔支曲嗚呼
豈但似我歎息餐不足

雨中望隔岸荔支

驟雨來青嶂千枝蘸碧波却驚流火駛已覺洗
紅多沆瀣盤爲玉流蘇帳作羅薄言將采采臨
眺意如何

石君亭啜荔嘲俞羨長

累累荔子實采采動盈抱漫論市上錢詎秘林
間寶克茲石君羞展彼山泉澡量腹受幾何百

千恣傾倒齒牙沁甘露毛羽生難老嘗聞丹經
言效驗良可致使人美顏色長似少年好爲問
美門長何如瓜大棗

荔閣初成

傑閣跨雙荔荔陰廣盈畝勢似奔流疾聲爲搏
風吼綠烟蔽簷楹朱實垂戶牖天宇內昭明外
密似烏有雲霞幻世界禽魚樂淵藪太古色長
存炎蒸氣不受昔時種樹者懸知今日否以此
相成意千載爲良友

荔閣前砌石臺成少憩

石欄雙荔覆坐處可垂綸鶯語臨流碎波紋觸
物新樹陰雖漏日暑氣不侵人羽扇純無用惟
應戴角巾

荔支歎

去年荔熟初營閣今歲工成風雨惡他處蕭疎
尚可言忍在閣中看荔落

雨色凄其六月寒平地無處不飛湍舉頭瀑布
山山白失却林中荔子丹

轉圓未了弄紅添節候柑催坐可占不信此時
過小暑荔支還是兩頭尖

十八娘家粉黛殘玉肌羅帳淚闌干楓亭三日
無消息馬上空歌行路難

嬌羞十五閉房櫳風雨無端妬守官玉鏡臺前
倚惆悵郎家不送荔支紅

閩俗女子將嫁男家
先一年送荔支紅

荔陰坐月

古荔濃陰下前山忽吐光似烟似露破幾葉幾
枝長月出分諸影風來不辨香石欄扶不盡彷彿

佛在東牆

平浦驛噉荔支

炎日辭家度嶺瀧荔支新得噉雙雙開元妃子

空知味作賦誰能買曲江

相傳張九齡故宅在平浦又曲江集有荔

支賦故云

清溪驛宰朱某里人也以荔支名綠扶包

者見餉爲此方佳種

三灣亭子寄山坳夾樹人家似鳥巢謾說故鄉
相見好荔支先識綠扶包

橫石驛荔支絕類閩之中冠喜而賦之

荔支原不是山枝
味子甘酸到頰知
欲問側生真面目
絳囊籠取玉琉璃

荔支閣

渴止玉漿寒倦眠
紫雲錦相期閣上
來勝于河朔飲

閩中荔支三十首

杜應芳

林邑初分到海東
火珠纔劈水晶融
餐霞每覺臙脂冷
吸露翻猜肌肉豐
自是寒泉浸輒玉
應

教閉月耻迎風君今有意憐顏色莫待奴來妒

入宮

紅淺紅深幙兩重起來日色漸高春素襦軟襯
凝酥體香粉輕彈濯玉容嫩乳含津肥半綻芳
心貼肉緊全封自憐搖落西風後收拾鉛華帶
縷鬆

明河欲渡苦無杠漫接流蘇拂綺窓冰繭團勻
裁楚水錦紋線就濯巴江中宵珠斗堪盈把到
曉熒燈尚在缸記得紅綃十五夜曾憑磨勒奏

成雙

兒家媠娜怎支持爲報南薰是信期
瞥閃朱顏
凌灼灼漸含玉液
賽垂垂冷腸
雖不因人熱
素質須防到老衰
若待十年然後字
芳菲匿得恨
來遲

生來的的迥光輝
始信人間萬色稀
髻下摘來
那便是眼中泣出
又還非柔情自合
嗟無骨豔
態何妨
諄有肌傾國
傾城何足惜
令人千載欲

同歸

餐風浥露幾年餘
結子含胎半夏初
只爲銜恩成荏苒
敢將圖報惜瓊琚
藏嬌不羨妝金屋
釋燥何須嚙玉魚
明月繞梁照顏色
枝枝葉葉更交疎

不勞施粉又施朱
好與東家之子俱
勾漏丹砂寧易覓
藐姑冰雪自然殊
瑛盤燄蓋十分透
玉盤瓊漿一片無
聞道茂陵消渴病
何時飛唾落成都

雙成長日在瑤池
底事東來傍海樓
慣駕獨龍

烹石髓誰知火棗雜交梨朱顏月滿留丹的玉
質風前憎白蕞不是塵飛供一笑漁陽安得起
喧聒

纔嗟紫玉貌難偕尚羨瓊英色更佳點點猩猩
真愛惜涎涎燕燕好安排尋常漫說雀餉異到
此方知蜂蕊垂莫以道途成遠隔肯令臭味兩
爭差

海上神僊安在哉空將殊色向人開明妃未出
紫臺去西子新籠絳節來種玉有緣綠透幕倚

妝暗忖扇披腮莫言壺嶠虛無裏拍浪乘風倩
作媒

只抱衾裯待主人不同桃李鬧芳春榴心生妒
紅於火奴眼先欺白似銀瓌瓌摩尼雙合手霏
霏香雪快沾脣憑他刻畫施無豔敢把儀容突

有莘

南通西關漢朝君豔異當年始得聞大宛蒲桃
騫使節臨邛竹杖馬卿文上林經歲形須藁故
國招魂性不羣縱是觀光緣分淺也應想像對

花雲

南國佳人錦繡圍肯將心事逐奔奔鵲魂初染
腮邊血懶隨重添額上痕絳襖穩眠遲早旭茜
裙結束向黃昏安能日日長生殿新曲從教舊

譜馥

美人長夏透香汗拂上輕綃便浹丹婉靚不關
碁局樂幽閒却謝鳥含殘平明霞色浮顏重傍
晚星光怯體單恰好招搖過塵市忍將骨髓待
君乾

思之未見淚如潛一見明霞尚可攀
醜面方完留悅澤宿醒猶在自酩酊
夜光恰是炎州地川媚分明合浦間
不爲東君長護惜瀛丘險作望夫山

少遜僊桃天上縣也非苦李道傍捐
火媒一夜燃膏迸白袷於今着錦纏
車裏玉壺凝淚血奩前花辨捻春
臙容光自古人人羨鼓柁終歸范
蠡船

誰將色色鬪丰標永日閒情破寂寥
帳角懸珠

偏助趙隄邊剪綵可憐蕭流光開斛盈山谷隨
暈成胎動海潮安得此中來望氣直教好女達
皇朝

支機片石手親交懶向君平去問爻寂寞轄飛
金鳳鉸蹉跎絃續白鸞膠常燃不藉千年表出
幣無煩三脊包欲効長門潛買賦也因難解上
玄嘲

公子平生性太豪名園選勝幾週遭夫人五國
成紅陣隊女千羣着錦袍六簿呼臬隨宛轉九

枝吐鳳任醅醕自經應檄擒胡虜屈指從頭望
大刀

漫捲湘簾試看他迴廊小榭儘摩挲姿明贏得
遊魚沒態冶還將細馬馱楓館殷勤傳驛使桂
林恃逞憶頻姿

楓驛桂林二地名多佳勝文

含情無語君知

否豈爲紅顏怨恨多

蓬萊雖不泛胡麻却也天台共一家暗着細腰
鳴琥珀輕颺團袖匿霓霞綠雲繞繞肩頭髣髴
月煌煌耳後颺試啖一丸生羽翰空中雞犬白

雲遮

第一楊家十八娘饒他姊妹各成行
驚鴻雅稱裳無縫引鳳難諧被獨囊
爲愛風流常帶燄因餐芸屑自生香
欲將往事編新譜千古知音屬蔡郎

渺渺愁予是左儻側生賦內始疏名
爭如瑤島三珠異好儷金莖百顆明
髮宛肉盈非內息窺探粟發自顏頰
等閒採藥無人到一片流霞空

赤城

閨中愛月又憐星滋味而今始慣經珊碎定遭
如意鐵火懸分得杖頭青相隈相抱姊和妹生
妒生嗔尹共邢最是凌晨眠未足徘徊無那倚
香亭

狂叫炎風吹熱蒸些兒霑得勝僊騰火雲陣裏
黃梅雨舍利城中玉井冰補結琉璃辭碧漢鈿
開韎鞞下朱陵年年此日如相憶信願常瞻佛
果鐙

飄零春色一枝收生長豪華別有秋嫩紫幾重

施步障嬌紅十里欲迷樓銀花泛濫搖風月瓔
絡光明遍鳥洲坐上若還無此點多情刺史怎
消愁

不慣霜欺和雪侵長就水闊共山深好將素口
供檀板只擬文心入綺琴剩有百琲堪助豔殊
無九曲漫投絳權收錦字歸金帳會見紋鴛嫁

彩禽

遠望神山只有三幾枝漏泄幾枝含微掀美粲
解人語半鞦香肩任女慙王子貽來仙鶴頂波

斯奪得老龍領相期共到西湖上試把禪心仔
細叅

低着井欄高着檐五分春色五分甜過江萍實
真如蜜千里尊羹未下鹽凡轉剝雞憎屐齒裙
留舞燕笑衣簾知他漢武白雲意解聽珊瑚望
遠瞻

勝子金花白苧衫掌中玉雪紫泥絨毛嬙鄭旦
皆殊色長信昭陽各帶銜偷眼凝眸看不足
腸柱腹口猶饒愁聞赤鳳兼銅雀錯認鶯啼及

燕喃

新綠荔枝

鄭鐸

落花纔見飄空處
結子初看出葉時
山鳥啄殘俄委地
恍如金谷墜樓姿

乍丹荔枝

萬點青螺未染塵
忽看半帶口脂勻
羅衣開處肌如雪
但少芬香遠襲人

正熟荔枝

朱夏南支總若霞
可憐一顆一丹砂
名園百果

都難並火棗交梨未足誇

摘露荔枝

園林曉望火燒空
摘下清香滿市風
簾隔美人梳洗罷
纖纖玉指擘輕紅

荔枝咏

祝樹勳

瘴雨炎暉也有功
釀成異果炫輕紅
桂林灼灼星毬綴
錦里爲家幾處同

雙髻新成別樣妝
相逢堪羨滿林香
餘甘真可芳牙頰
絕勝江萍在楚管

絳綃千片着明霞
樹杪纍纍產赤砂
勝畫爭多長樂好
試隨座客數江家

鶴頂雞冠總出羣
狀元那得美如君
小裁絕句爲青史
新譜今誇四海聞

時徐興公著新譜

趙仁甫芝園啖新荔

名園重步屨廣陸夏生寒
火齊初登市冰丸可薦盤
寵妃曾發笑遊客猛成歡
酒量從茲減投林日飽餐

荔支

閩中新荔熟越客可休糧百谷成珠浦千林綴
錦囊裊風須紅帶露合多嘗消渴逢甘醴充
饑得異漿青英團翡翠丹實炫鵝黃霞臉仍蒸
日水膚倍膩霜建宮遙自漢置驛廣於唐火齊
緗枝綴珊瑚黛葉藏品多逾別域名重表炎方
飽啖爲名士頻呼十八娘

融庭採荔按數一枝十九顆門子竊摘其
一詩以戲之

沈長卿

適符瀛士數毛遂顧錐懸列宿還虧十元宵尚

溢三先嘗應有故私啖意何慙費惠真而主餘
桃却獨甘

葉太傅惠楓亭荔支

陳紫元推興化軍色香殊絕味超羣太真郵得
涪州種頓動詞臣賦與文

曹能始荔閣噉荔子歌

俞安期

曹園古荔滿林壑中連雙樹如團幕開葉紛疑
火齊生垂枚定道紅星落主人抗樹起高閣荔
子環如挂瓔珞紺紫疊疊高下睪朱丹點點東

西錯千枚任摘雕闌前金盆沃浸青琳泉香觸
何知屢嚙唾口饒便覺雙流涎須臾裂却丹霞
殼剖出冰肌皎于玉薄綃淺絳卸中衣滑澤光
瑩恣餐足牙後深甘玉女肪喉間不壓楊妃肉
一時遽盡三百枚通靈已覺成仙胎毛髓初疑
換丹藥羽翰輒欲升瑤臺漳州大橘大如盎甘
美不如何足想吳越楊梅豈乏甘較之仙味寧
不慙龍眼猶令奴作匹其餘鎖鎖安足述海內
如推百果王鮮食荔支終第一

題荔支

汪元范

繁實聚生綴樹頭
絳羅苞就似星稠
瓊瑰爭壓盈筐火
甘液初嘗沁齒秋
胡地葡萄寧競爽
上方盧橘匪同流
皇家不貴遐方味
寥廓山川罷置郵

畫荔支

蔣奕芳

火雲初霽水晶盤
玉液香清白乳寒
向道仙姿原勝畫
誰知今作畫中看

荔支

枝頭裊裊露初乾
絳雪携來好並看
爲愛風姿誰得似
楊妃沉醉倚欄干

紅塵一騎入華清
天內遙聞笑語聲
倘賜侍臣消渴病
不須承露問金莖

廣州荔支曲

鄧文明

朱實離離吐火齊
先看黑葉壓枝低
浣紗更有施家女
今日冷然賽水西

貯向冰盤一色圓
摘來頃刻競新鮮
莫言脆肉非珍品
絕似孩兒玉擘拳

尤物曾傳十八嬌就中若箇亞長條殷勤進奉
能爭寵玉骨冰肌隱絳綃

狼籍零星到火山不知天寶永元間色香三日
都彫盡那得宮中一破顏

食火山荔支次王龜齡韻

胡梅

我來莆中爲荔支預拚百首哦新詩尋常火山
亦快意細核獨羨楓亭奇却憐尤物產茲土妄
思偷入人家圃恣食如猿坐樹巔何能細按端
明譜盡勸遲遲歸故山固知上品熟不先白玉

填瓢紫羅殼耳聞亦自流饑涎可能卑視楊家
果願各啖我三百顆貧兒腸冷蒸藿多不妨燒
以荔支火

霞村食荔支再用前韻

匡牀久絕龜殼支枕中鴻寶惟新詩詩成半爲
側生賦徒勞擊節無新奇朝暮聞香忘故土液
鮮皮脆須臨圃休言爽口哀家梨歸但魂消對
空講靈根端不戀高山黛葉細枝見已先毛孔
微微芳氣透何關雞舌含龍涎卓絕無儔超衆

果千錢頓買三千顆，頰虬珠綴珊瑚林數里，無
烟餐如火。

休伯彥餐霞臺食荔支歌

山烟溪水俱帶來，荔支口擘丹霞臺霞光照耀。
色更媚紫紋紺理，白玉胎勝肥芙蓉露濯手。三
十二種皆到口，每逢米汁腹如蟬。此果偏能啖
數斗，飽死以樹作松栢墳堆殼核高如阜，不死
應知骨是仙。荔支仙人自昔傳，間有饋者色不
鮮。效顰嫫母分媼妍，君不見冥鴻高飛去無迹。

向人羞稱曳裾客但見日親十八娘安肯低眉
二千石

福荔品

洪士英

福郡荔品諸譜已詳毋論蜀廣近如莆中未
嘗鮮摘不敢妄置雌黃惟以常啖者定之作
福荔品

吾郡多佳果首稱必荔支香柑誇佛手色相終
讓之叢叢綠霧密顆顆紅雲垂鮫珠剖相似鶴
頂望還疑檀塲數中冠勝畫尤珍育金鐘不入

眼桂林誠相皮蜀廣種雖好目素未及窺前產
譜詳備欲噉恒無期福品屬本饜次第徵吾詩

荔支

張元芳

江城五月荔支丹草樹含香玉露寒錯落星毬
肌似雪錦屏光射水晶盤

玉爲艷質錦爲裳最是傾城十八娘昨夜宴歸
猶似醉至今春色近昭陽

風吹亭畔荔支香玉液瓊漿客謾嘗淺淡紅妝
都不減風流還讓黑衣郎

鳳凰岡上錦離離，紫燕銜花春作泥。
南國芬香誰第一，上林爭獻狀元枝。

淡雲火寶玉生寒，曾向明妃帶笑看。
一自馬嵬無驛騎，紅塵應不到長安。

平林一半夕陽斜，天外亭亭散紫霞。
謾道綠衣香漢苑，不知麗質在江家。

六月金櫻勝畫圖，江鄉十里錦雲鋪。
妝成且莫憐雙髻，不及樓頭一綠珠。

絳苞萬樹種名園，落日丹霞照海門。
艷艷虬珠

千百顆可無中使獻明王

閩友遺新荔子

黃之璧

露華鮮摘玉瓶開送到陶家
佐酒杯寄語東籬
花下客楓亭八月荔支來

穎穎明璫扇錦妝
侍兒掌上擘斜陽
也知絕勝
房陵品却對紅雲喚客嘗

雙髻

丘惟直

枝頭連理散甘香
紅錦囊包白玉漿
貯向冰盤
誰得似昭陽姊妹闢新妝

星毬

離離丹實綴如毬
燦爛紅光滿樹頭
莫是宣和燈火夕
鰲山懸掛不曾收

百步香

六月閩香荔子懸
綠雲堆裏錦雲連
幽香一種天然味
不數潘妃步步蓮

七夕紅

遙望雙星爛碧空
一年一度鵲橋中
誰知淚落凝成血
散作枝頭點點紅

延壽紅

華清一騎走紅塵中使傳呼笑語頻此物若云
延得壽馬嵬山下葬何人

桂林

綠雲堆理綴紅綃白玉囊中核子焦只此林間
堪賦隱淮南不待小山招

勝畫

錦雲香露萬枝紅恨不生逢繡嶺官莫訝崇龜
圖未肖千金誰爲賂良工

火山

品質殊生節序同偏誇早熟萬莖中只因一動
妖妃笑又惹驪山烈炬紅

狀元紅

瓊液丹膚白玉肌御筵香透絳羅衣官袍首賜
何曾綠爲染霞光近紫薇

十八娘

棣萼樓頭風露涼閩娘清曉競紅妝朱脣玉齒
桃花臉逼着天孫雲錦裳

水團

太液池頭暑漸涼紅塵一騎日南方寒漿不待
隆冬結滿座歡迎六月霜

綠核

素質生來與衆殊冰肌玉液潤如酥相逢莫訝
心無赤祗恐前身是綠珠

十八娘

黃應恩

紅裙紫袖玉生香殿上傳呼十八娘憔悴只因
生處遠君恩親解絳羅裳

綠羅袍

天孫織就錦雲堆不學人間彩色裁
一任涼風吹縐縠絳囊新換綠衣來

紅繡鞋

輕紅搖曳出林端踏破青青草色殘
莫謂嶺南千萬里也隨驛騎上長安

延壽紅

珠寶纍纍琥珀光盛來丹液玉爲漿
瑤池不羨蟠桃種更舞筵前五綵裳

七夕紅

樹底凝妝爾較遲青鸞捧出玉玻璃紅顏不與
人爭艷祇記年年乞巧期

大將軍

將軍名字品中誇日煖紅袍映碧紗一自漁陽
征戰後只今棲隱落山家

荔支詞

郭天親

丹顆遙疑楓葉秋半遮漁艇半遮樓兒童無數
拋磚打鶯起流鶯啼未休

樹下嘗新帶露中美人珠翠間釵紅却恨當年
勞傳舍不教移入太真宮

士女風流髮尚髣荔支初熟作生涯入夜張燈
街上賣阿誰賣盡早歸家

荔陰族茂舊楓亭滿路垂丹滿路馨下馬欲採
三兩顆行人謾道是紅星

咏冰團荔支

安國賢

纍纍初貯水晶盤一啖爭禁齒頰寒南土由來
饒暑氣誰知六月有冰團

林生袖十八孃見遺戲作

荔子風吹滿袖香
輕紅初劈水晶光
少年潘岳車中果
試問何如十八孃

題荔支

朱廷訓

天機綴錦出神工
千樹垂垂耿日紅
火實最宜侵案近
水晶無問托盤空
圖將越客遺南國
笑擬唐人入內宮
應是狀元堪勝處
不教容易卻薰風

火齊環佩絳羅裳
雅稱當年十八娘
丹露盡珍

馬乳味炎雲竟結鶴頭香詩成念憶元除海譜
出猶傳只隔牆嘉果從來知此地斷霞疎雨媚
紅妝

詠荔支

盧江

葉暗千里綠枝垂萬顛丹露翻朱鶴頂霞襯絳
綃九海上隨塵去宮中帶笑看玉真纖手擘香
薦水晶盤

荔支詞

陳鴻

五月荔子多青色引雛山鳥時來食西園六月

鳥飛去夜夜守園坐達曙大家分摘趁曉露北
斗尚掛城頭路南窓有客午初起紅玉流香浸
盆水

詠荔支二首

朱實原於衆果殊可人香味滿庭隅濯來濕透
盆中錦剖破光呈掌上珠佳客飽衿寧許剩驕
兒屢索祇愁無他年倘有閒園地買向鳳岡種
數株

寂寂園林鳥不譁主翁相守此爲家綠叢千里

難通日錦障千重已變霞栽傍樓臺攀樹易摘
來城市覺香加水盤細擘南牕下顆顆凌晨帶
露華

詠綠核荔枝

林叔學

冰膚藏異質佳品擅江南豈惹輕霞護葡萄片
雪含却疑金谷換應使萼華慙剖出天然色江
家映始堪

喜鄧道協修荔支通譜

林古度

世人有譜牒用以紀厥盛顯達表令名隱逸書
真性物極多散遺類繁每難竟人既會宗支不
使紊異姓嘉果猷荔子名品亦堪命前賢蔡忠
惠乃爲此族敬操觚悉條分例義得其正後之
曹與宋起而亦相競生植日以繁流派日將迸
君茲意何佳突爾躬爲政一旦羅群編衆美忽
歸併頓使還本支某賢而某聖如人有小傳一
一俱明鏡古今翰墨林於茲諸賦詠珍玉與瓊

瑶林間盡輝映有若枝葉披君則握其柄卷帙
幸已成展閱殊可慶

荔支歌

人間萬果生方物四序分成盡堪喫那及閩南
此荔支蜀都粵嶺名皆屈名品多奇有等差薰
風薦熟何纍纍中如孕玉凝脂處外若丹砂結
實時飽食亦無愁內熱欲比櫻桃猶勝絕所以
星馳入貢來能使楊妃開笑頰詩賦標題非一
篇漢唐宋代人爭傳我生幸與同地產得不賞

詠從年年年年口腹克甘美火棗冰桃等閒耳
安得移根向上林高天雨露恩無比

思荔閣歌爲張元秘題

君家曲江荔支賦色香味向篇中具當年閩粵
產隨人從心所欲何思慮君今與我則不然南
國生身在流寓海錯牽情況荔支每歲相思凡
幾度幾度思從朱夏時無能縮地楓亭路遙憶
薰風薦熟新一啖百顆多臨樹紅膚剝去如絳
綃香液流來卽甘露那似楊妃索笑顏頓教驛

騎飛馳赴男兒貧賤百事艱寧獨區區此懸注
聊將高閣錫嘉名名因碩果傳佳趣豈緣口腹
遠番涎兼歎鄉心常窘步倘侶尊鱸張翰思荔
支自可供朝暮

夢荔支

二十餘年別故鄉荔支無計見紅香昨宵入夢
呈丹粒何日驚心剖玉漿有似楓亭歸夏早非
同粵嶺並時光從教種種皆堪憶不及魂交十
八娘

還大丘憶荔支示諫兒

久向江南憶荔支歸閩今已及其時不生海灣
難先見早食榕城未可知林際紅香猶渺渺市
中名品漸纍纍少年記得曾食去急與新嘗是
客兒

海口翁士幹表姪新餉荔支于瑞巖歌

三十七年思荔子今向海城重啖始海城亦匪
產荔鄉却自郡邑分來此此果此鄉人亦珍何
况他鄉未見人甫能成實卽採摘豈殊一駢馳

飛塵翁郎是我姑表姪昨夜相訂在今日曉露
未晞走市中呼買親爲手數出風吹販子開筠
籠爲道新上還不克一歲一番較顏色顆顆攢
結輕綉紅我雖曾食亦急急不問甜香與酸澁
携將滿袖瑞巖巔笑向雲天剖百十吾兒生長
自金陵初得人口疑紅冰謂言猶未美之至中
心已覺喜不勝從此林間知漸好名品譜中堪
細考我頭已白荔長紅宜共此回食及早

邑中買荔支

此是吾鄉邑人家荔滿林啖思重到口望已卽
開心白日插紅影涼風坐綠陰呼童逢便買莫
計橐中金

劉拂雲餉荔支二百顆名桂林戲荅之

荔支何以桂林名豈是香如桂子清二百明珠
勞餉贈十千紅友勝呼傾崇龜圖畫施相似坡
老吟詞擬不成爲謝殷勤無可報待將丹桂當
璠瓊

食荔友思金陵歌

開天六月方炎蒸，閩山荔子紅。騰騰我歸携兒
共飽食，轉向玉融思。金陵金陵兄姪更妻子，欲
食此果，殊不能。兄雖嘗味，歲已久，亦多大老。諸
友朋友朋欲作榕城客，大老願謫楓亭丞。夢寐
不往蜀與粵，烏石山似青天。登登時食荔，那可
得畢世一見。嗟未曾曾如我歸，守成熟林間。市
上來頻仍新出筠籠玉盤薦，動數千百盈斗升。
摘下枝頭榴火噴，剖開殼裏羊脂凝。臨風浸酒
飲香雪，映月浸水團。寒冰日日傷，冬不住。口人

人思通空填膺片時縮地信無術幾度仰天翻
自憎如童取小媿何用似鷄呼羣慚莫稱安得
紅塵再一騎使我附驥如飛蠅頓餉江南衆親
友劃如妃子笑不勝

買荔支不得戲作

魚蝦腥繞市落晚尚喧填荔子產非地連朝已
寂然厭心難滿欲饒口枉垂涎合向榕城去紅
香飽萬千

荔支花

只向閩鄉說荔支荔支花發幾人知幽香陣陣
微風裏苞蕊還分雄與雌

大丘嘗新荔支歌

去年海口瑞巖裏五月中旬嘗荔子今年大丘
復嘗新四月下旬驚有此物候重更感客懷何
時流寓返秦淮故鄉風味雖自好我心實似羈
天涯大丘果樹無此木楓亭肩販來沙玉阿弟
隔村乍買歸使我見之駭心目汲有東金山頂
泉剖浴數枚罕可憐會須早上榕城去市得盈

筐食萬千

食荔歌

眼耳鼻舌與身意無所不快是食荔
眼看高樹垂血紅耳聞名品衆不同
鼻嗅清香向朝露舌吞玉液甘如乳
身當故國館西峰意欲食之願卽從
荔支食飽忘食飯或買或餽日千萬
却思古昔爲帝王諫止貢獻繇唐羗
貴妃一笑至今說而我賤子何饜饕
我住江南五十春暫歸三載而嘗新
遙憶家人與親友安得一顆鮮到口

携來兒僕食倍多毋乃於此分入過人生生闕
信樂地江南好作歸闕計

荔支詞十首

次友人韻
用白戰體

閩山五月荔支鮮萬樹千林色蔽天上市人人
爭食飽忘食幾廢突中烟

瓢如白玉殼丹砂香沁肝脾與齒牙村塢近疑
烽燧火園牆遙訝海天霞

一枝低壓一枝低成熟爭看處處齊樵子菜兒
俱改業街東賣過又街西

不能留久不能醜飽脹傳教少食益難待及時
先欲啖只消早晚變酸甜

豈惟口腹眼還看真是脂凝與錦攢性熱也知
微有忌井泉洗浸似冰寒

鄉風交送滿堂前時候初當小暑天中貫金鍾
名色異高肩細核妙如仙

採折全枝剝木丫持如絳節映籠紗一錢十顆
千錢萬日費囊錢未破家

休論蒟草與花顏菜色無如此色已厭我欲帶將

之白下三千道路恨艱關

長樂楓亭種類繁漳泉名品動衣冠
冷來歲歲相宜甚何必長生學鍊丹

閩粵名兼蜀國傳三方以外盡垂涎
焙乾天下知無數那及枝頭摘下鮮

張羣玉明府送荔支

荔支名海內閩粵蜀都間
蜀木君鄉國閩爲我
故山翻勞分惠至未免各思還
得似丹砂否
愁人欲駐顏

陳磐生留食荔支龔克廣亦摘其先祭酒
狀元公墓亭荔至同啖有作

君到金陵荔我誇我今食荔在君家剖如玉粒
開丹鼎垂似宮燈點絳紗更值狀元來後齋偏
從娘子鬪鮮華以茲留客客淹坐竟日不須茶
與瓜

鄭汝交郡丞集客南園摘荔

君曾置驛客來多未及家園此共過坐入荔林
疑火樹步窮苔徑信烟蘿遠人注果宜攀摘賢

王清尊足笑歌宸愛夕陽明顆顆紅光欲敵醉
顏酖

荔支雜詠四首

無此鮮甜無此香冰肌玉液與瓊漿從來妙美
真難比只合呼爲十八娘

不歎宜食且好看真如鶴頂與雞冠火山寂早
楓亭晚次第如珠撒木難

傳聞勝畫出吳航今歲今朝始得嘗總是一般
閩地果因他肥大故稱強

荔支至美是楓亭口未能嘗耳慣聽兩日不能
煩驛使一生塗路枉多經

剝荔四詠

共向閩鄉剝荔支遠人剝荔喜纍纍如收火齊
來天外似闢珊瑚到海涯爲愛紅香心獨賞爭
猜細核手先持飽食願就三山老不欲還家繫

渴思

右遠客

共向閩鄉剝荔支高僧剝荔念阿彌恍拈榘子
從頭處似解衣珠着手時佛座獻新親自捧齋

筵作供衆先推非開口腹圖甘美忍入叢林結
果遲

右高僧

共向閩鄉剝荔支美人剝荔更相宜如臨錦帳
分銀蒜似脫紅衣露玉肌開口笑吞強石蜜嚙
唇歡洽勝甘飴從教玉指頻挑選那及桃腮

媚時

右美人

共向閩鄉剝荔支變童剝荔映妖姿渾如擲果
盈車日還比採巢取卵時擬是梨園羣弟子攀
將蓮萼小孩兒鄭家名把櫻桃喚以此爲名不

更奇

右變童

荅林祖生餽荔支

聞爾林園荔有名，柳山十里隔榕城。
摘連枝葉紅光透，送貯筠籠香氣盈。
碩果已消歸客渴，琅函更見故人情。
感茲投贈殷勤意，獨媿無能一報瓊。

荔漿歌

鎮日無厭食荔子，剖殼津津瀉漿水。
宛似甘泉涓滴流，還如玄酒淋漓醒。
可憐雨落莫沾唇，可

惜輕拋但隨指偶思當下承受之頃刻浮光溢
素磁此漿不寒勝官蔗此汁競爽過哀梨竟以
芳潤漱丹府直將瀝液傾華池小啣細啜愛微
沫有若捧盈懼顛潑裴航豈必遇雲英司馬何
妨病消渴真如秋露浥薔薇人間百味那能奪
我從久客歸故鄉口腹旣饜齒頰香已幸分甘
進貢子還疑就乳十八娘却怪當年蔡州守譜
荔翻教柞去漿

荔支將盡感賦

今年今夏到今時廢食忘飡飽荔支信是人情
無厭足自應物候有推移欲留香色難爲計兼
送流光亦可悲待得林間重結實予身恐又在
天涯

別荔支

來時堪喜別堪憐一別爲期定一年猶勝貴妃
思遠地當如織女會高天低頭棄核方離殼舉
手攀枝似贈鞭未必人人皆類我情痴十八阿
娘前

詠荔枝迴文

南閩此果妙鮮甜顆顆垂林入夏炎三日過多
佳却減一年逢極熟當添合香冷下通喉潤碎
玉紅開擘指尖籃滿貯來新露曉甘人是味美
全兼